



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-268/25
Sarajevo, 03.02.2025. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnika Selmanović Faruka, dostavlja se;
VEZA: Vaš akt broj: 01-04-53531-33/24 od 27.12.2024. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničku inicijativu, koju je u okviru 18. radne sjednice Skupštine Kantona Sarajevo uputio zastupnik Selmanović Faruk, a koja je glasila „Inicijativa za Stvaranje sigurnih zona oko škola sa stalnim prisustvom policije.“.

Odgovor:

„Dostavljamo Vam akt Uprave policije, Ministarstva unutrašnjih poslova Kantona Sarajevo broj: 02/1-3-4/25 od 28.01.2025. godine, koji predstavlja odgovor na gore navedenu zastupničku inicijativu.“.

S poštovanjem,

Prilog:

1. Akt Uprave policije, Ministarstva unutrašnjih poslova Kantona Sarajevo
Broj: 02/1-3-4/25 od 28.01.2025. godine;
2. CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Broj: 02/1-3- 4 /25
Datum: 28.01.2025. godine

KANTON SARAJEVO
MINISTARSTVO UNUTRAŠNJIH POSLOVA
Sekretar

PREDMET: Zastupnička inicijativa zastupnika Selmanović Faruka, odgovor, dostavlja se.

Veza: Vaš akt broj: 01-9-02-2-268/25 od dana 14.01.2025. godine.

U vezi akta broj i datum gornji, kojim je Upravi policije dostavljena zastupnička inicijativa Selmanović Faruka, a koja se odnosi na stvaranje sigurnih zona oko škola sa stalnim prisustvom policije, obavještavamo Vas o sljedećem:

Uprava policije kroz svoje strateško opredjeljenje i planski rad provodi kontinuirano različite aktivnosti koje se odnose na stvaranje sigurnog okruženja u i oko osnovnih i srednjih škola, te preventivni rad sa djecom i maloljetnicima u osnovnim i srednjim školama u Kantonu Sarajevo.

Policijски službenici u cilju nesmetanog odvijanja nastavnog procesa, poboljšanja sveukupnog sigurnosnog ambijenta za učenike, roditelje i nastavno osoblje, u i oko odgojno obrazovnih ustanova, u okviru redovnih dnevnih aktivnosti realizuju obilazak istih a posebno u vrijeme početka i završetka nastave, vrijeme korištenja velikog odmora kao i pojačane kontrole poštivanja saobraćajnih propisa u neposrednoj blizini odgojno obrazovnih ustanova.

Takođe, policijski službenici vrše pojačan obilazak autobuskih, tramvajskih i trolejbuskih stajališta kako bi osigurali nesmetan odlazak i povratak djece, građana i nastavnog osoblja te kako bi se prevenirala eventualna izvršenja krivičnih djela i narušavanja javnog reda i mira te se omogućilo sigurno odvijanje saobraćaja u neposrednoj blizini odgojno obrazovnih ustanova.

Pored navedenog, policijski službenici planski vrše redovne obilaske osnovnih i srednjih škola u Kantonu Sarajevo, obavljaju razgovore sa menadžmentom škola, te prisustvuju na multisektorskim sastancima sa roditeljima i dr., u cilju unapređenja povjerenja djece i mladih, roditelja i škole u policiju, rješavanja nastalih problema, a sve u cilju preventivnog djelovanja i sprječavanja krivičnih djela od strane maloljetnih prijestupnika.

Uprava policije poseban fokus je stavila na prevenciju i preventivan rad sa djecom, te kroz Odjeljenje za prevenciju maloljetničkog prijestupništva, nasilja u porodici i rad policije u zajednici, vrši koordinaciju i usmjeravnje preventivnih aktivnosti policijskih službenika na terenu, kao i putem drugih organizacionih jedinica Uprave policije, posebno policajaca u zajednici mjesno nadležnih policijskih stanica.

U vremenskom periodu 2021.-2025. godine, kontinuirano su se preduzimale brojne aktivnosti u cilju uspostavljanja što bolje saradnje sa raznim udruženjima građana i nevladinim organizacijama. Osim saradnje sa državnim institucijama, nevladinim organizacijama, mjesnim zajednicama, školama, preduzećima i drugim institucijama, policajci u zajednici su svakodnevno na terenu kroz proaktivno prisustvo i lične kontakte sa građanima, socijalnim radnicima, pedagozima, direktorima i drugim osobljem javnih ustanova i mjesnih zajednica, posebnu pažnju i poseban fokus usmjerili na djecu i mlade.

Takođe, Uprava policije je u cilju prevencije i podizanja svijesti o opasnostima i društveno neprihvatljivim ponašanjima kod djece u osnovnim i srednjim školama, kroz rad policajaca u zajednici, kontinuirano nastavila sa realizacijom edukativnih radionica na različite teme, provodila preventivne kampanje, realizovala različite projekte najčešće kroz organizaciju edukativnih radionica u osnovnim i srednjim školama s ciljem da se mladi upoznaju o posljedicama činenja krivičnih djela i prekršaja, a u saradnji sa Ministarstvom za odgoj i obrazovanje Kantona Sarajevo, i sa različitim vladinim i nevladinim organizacijama, te se kontinuirano realizuju sljedeće edukativne radionice za učenike osnovnih i srednjih škola, kako slijedi:

1. **Dijete u saobraćaju** (isključivo za učenike I i II razred osnovnih škola – početak školske godine),
2. **Cyberbulling** (za učenike osnovnih škola),
3. **Zloupotreba pirotehničkih sredstava** (za učenike osnovnih škola isključivo u vremenskom periodu novembar-decembar),
4. **Stop međuvršnjačkom nasilju** (za učenike od VI do IX razreda osnovnih škola i učenike I i II razreda srednjih škola),
5. **Prevencija maloljetničkog prijestupništva-prava i obaveze** (za učenike od VII do IX razreda osnovne škole i učenike I i II razreda srednjih škola),
6. **Stop drogama** (za učenike od VII do IX razreda osnovne škole i učenike I i II razreda srednjih škola)
7. **Borba protiv trgovine ljudima** (isključivo za učenike završnih razreda srednjih škola).

Isto tako, edukativna radionica **“Lopov uvijek bude otkriven”** (za učenike VI razreda osnovnih škola) se realizuje on- line modulom.

Također, Uprava policije je imenovala i predstavnika u Interresorni stručni tim za izradu Okvirnog plana prevencije i sprječavanja nasilja u odgojno-obrazovnim ustanovama u Federaciji BiH.

U cilju saradnje i prevencije maloljetničkog prijestupništva nastaviće se kontinuirana saradnja policijskih službenika Uprave policije sa menadžmentom osnovnih i srednjih škola u Kantonu Sarajevo (podrazumjevajući stručne službe škola, nastavno osoblje, Vijeće roditelja i dr.) na općinskom nivou i ostvarivat će se kroz mjesno nadležne policijske uprave putem policajaca u zajednici, u cilju organizovanja zajedničkih sastanaka, rješavanje problema, dogovaranje dinamike edukativnih radionica i dr.

U skladu sa teritorijalnim nadležnostima policijskih uprava, policajci u zajednici će nastaviti prisustvovati multisektorskim sastancima u skladu sa Pravilnikom o načinu i obliku provođenja odgojno-obrazovne podrške i stručnog tretmana (“Službene novine Kantona Sarajevo broj 33/24”), u cilju rješavanja problema neprihvatljivih oblika ponašanja djece u osnovnim školama.

U slučajevima primjećenog negativnog i opetovanog, ponašanja kod djece u određenim odgojno-obrazovnim ustanovama, kao i po pozivu menadžmenta ili stručne službe škole, policijski službenici će nastaviti kao i do sada u kratkom vremenskom periodu dogovoriti održavanje edukativnih radionica, koje će se realizovati u razredima i određenoj starosnoj skupini u kojoj dolazi do neprihvatljivih oblika ponašanja kod djece ili maloljetnika.

Uprava policije postupa u skladu sa Zakonom o zaštiti i postupanju sa djecom i maloljetnicima u krivičnom postupku FBiH i drugim podzakonskim aktima, koji se odnose na najbolji interes djeteta i djecu u sukobu sa zakonom, te će i u narednom periodu dati svoj maksimalan doprinos u kreiranju i provođenju svih dokumenata koji se tiču djece i zaštite njihovih prava, a posebno u segmentu borbe protiv nasilja nad djecom.

Također, Uprava policije putem svojih predstavnika učestvuje i u radu Tima za izradu i implementaciju Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom u Kantonu Sarajevo od 2024. do 2028. godine.

Imajući u vidu da u Kantonu Sarajevo, ima preko 79 osnovnih i 44 srednje škole, a uzimajući u obzir trenutnu potkapacitiranost ljudskih resursa u Upravi policije, te da svi drugi policijski poslovi i zadaci iziskuju angažman policijskih službenika, smatramo da nije moguće, a ni potrebno imati stalno prisustvo policijskih službenika u i oko odgojno-obrazovnih ustanova, posebno imajući u vidu sve prethodno navedene planske aktivnosti koje se kontinuirano provode u vezi sigurnosti djece i mladih u i oko odgojno-obrazovnih ustanova u Kantonu Sarajevo.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-03-3-776/25
Sarajevo, 03.02.2025. godine

BOSNA I HERCEGOVINA
FEDERACIJA BOSNE I HERCEGOVINE
OPĆINA NOVO SARAJEVO
SLUŽBA ZA POSLOVE OPĆINSKOG VIJEĆA I LOKALNU SAMOUPRAVU,
Zmaja od Bosne broj 25,
SARAJEVO

PREDMET: Odgovor na inicijativu Savjeta Mjesne zajednice „Pofalići I“, dostavlja se;
VEZA: Vaš akt broj:02-19-4-551/25 od 10.01.2025. godine

U vezi Vašeg akta broj i datum veze, dostavljamo odgovor na inicijativu, koju je podnio Savjet mjesne zajednice „Pofalići I“, a koja je glasila „Da se postave nadzorne kamere na raskrsnici ulica Drinska-Humska.“.

Odgovor:

„Budžet za videonadzor u Kantonu Sarajevo se planira na godišnjem nivou na osnovu procjene organizacionih jedinica Uprave policije. S obzirom na veličinu Kantona Sarajevo, te ograničena sredstva u budžetu za tu namjenu, videonazor se postavlja na prioritetne putne pravce. U 2025. godini na području Kantona Sarajevo planirano je postavljanje dodatnih analitičkih kamera, a na području mjesne zajednice „Pofalići I“ planirano je postavljanje analitičkih kamera u ulici Hamdije Čemerlića na potezu od željezničkog nadvožnjaka prema raskrsnici ulica Drinska-Humska.“.

S poštovanjem,

Prilog:

1. Akt Uprave policije, Ministarstva unutrašnjih poslova Kantona Sarajevo broj:02/2-5-17/25 od 29.01.2025. godine.
2. CD x1.

MINISTAR

Admir Karića

Dostaviti:

1. Naslovu;
2. Za objavu na web stranici Ministarstva;
3. a/a.



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/2-5-17/25

Datum: 29.01.2025. godine

MINISTARSTVO UNUTRAŠNJIH POSLOVA KANTONA SARAJEVO
Sekretaru ministarstva

PREDMET: Odgovor na zahtjev za postavljanje videonadzora na području MZ „Pofalići I“, dostavlja se,-

VEZA: Akt Općine Novo Sarajevo broj 02-19-4-551/25 od 10.01.2025. godine

Aktom broja i datuma veze, Ministarstvu unutrašnjih poslova Kantona Sarajevo dostavljen Zaključak Mjesne zajednice „Pofalići I“ sa zahtjevom za postavljanje videonadzora na raskrsnici ulica Drinska-Humska. S tim u vezi želimo vas obavijestiti o sljedećem:

Budžet za videonadzor u Kantonu Sarajevo se planira na godišnjem nivou na osnovu procjene organizacionih jedinica Uprave policije. S obzirom na veličinu Kantona Sarajevo (1.277 km²), te ograničena sredstva u budžetu za tu namjenu, videonadzor se postavlja na prioritetne putne pravce.

U 2025. godini na području Kantona Sarajevo planirano postavljanje dodatnih analitičkih kamera, a na području mjesne zajednice „Pofalići I“ planirano je postavljanje analitičke kamere u ulici Hamdije Čemerlića na potezu od željezničkog nadvožnjaka prema raskrsnici ulica Drinska-Humska.

POLICIJSKI KOMESAR
Generalni inspektor policije
Fatmir Hajdarević